

benbergio præsente, renunciavit Anno 1407. (r) Fridericus, & Otto de Stubenberg subscripserunt transactionis Instrumentum quoddam Anno 1411. (s) Jacobus, & Fridericus Stubenbergii claruerunt adhuc Anno 1414. (t) Fridericus forte idem, Decimas quasdam in Drostetten Anno 1417. Johanni Göttersbrunner clientelari jure tradidit. (u) Barbara Jacobi Stubenbergii Uxor, nata Eberstorffia, renunciat successioni paternæ, & avitæ Anno 1417. (x) Cui pro accepta Dote hypotheca à marito in bonis suis omnibus, accedente Ottonis, & Wulfingi, Fratrum Stubenbergiorum, consensu, Anno eodem 1417. constituitur. (y) Barbara de Stubenberg, genere Eberstorffia, & Johannes de Winden hæreditaria Catharinæ ab Ehrenfels amitæ bona, inter se divisere Anno 1419. (z) Ursula Domina de Stubenberg à Comite de Hornstein in thorum ascita Ladislaum Comitem peperit, Cujus mentionem facit Documentum de Anno 1433. (aa) Johannes de Stubenberg, Supremus Pincerna, & Capitaneus Styriæ (Lands-Haupt-Mann) & Otto Stubenbergius agnatus ejus, Anno 1437. celebrantur. (bb) Albertus II. Romanorum Imperator Johannem ab Eberstorff, ex causa Dynastiæ Ankelsteinianæ in Styria sitæ, Johannem Comitem à Schauenberg, & Leutholdum de Stubenberg, possessores ejusdem actione petiturum Anno 1439. in jus admittit. (cc) Agnes de Stubenberg nata ex Dynastis de Pettau, quos Lazijs Mareschallos de Pettovione vocat, acceptis 3000. librarum Denariorum, reliquæ hæreditati paternæ renunciat Anno 1443. (dd) Catholdus de Wehingen in Michelstetten, & Margaretha de Haselau Uxor ejus, vendunt Dorotheæ Stubenbergiæ, natæ Kranichbergiæ, diversa bona Anno 1445. (ee) Otto, & Johannes Agnati de Stubenberg, Styriæ Supremi Pincernæ, profitentur, sibi à Dorothea Stubenbergia Urbaria Sigilla, & reliqua Literaria instrumenta tradita fuisse Anno 1445. (ff) Dorothea illa Anno eodem ad secunda vota cum Alberto Eberstorffio transiit, pactisque Dotalibus inter illos erectis Ulricus à Stubenberg Sigillum suum apposuit. (gg) Wilhelmus Comes de Forchtenstein dimidiam partem arcis Forchtenstein, & Robelsdorff Ottoni Domino de Stubenberg legavit, Anno 1430. (hh) Ulricus Dominus de Stubenberg Supremum Sigismundi ab Eberstorff elogium Anno 1452. subscripsit. (ii) Idem Ulricus liberavit Johanni ab Obenholz bona quædam in Mittern-Grabern ab onere feudali, Anno 1455. (kk) Leutholdus de Stubenberg eidem Johanni ab Obenholz Domum suam sitam in suburbiis Viennensibus, ante portam vernacula Linguâ Biedmer, Thor tunc temporis dictam, Anno